

۱ نشرین نانی  
۱۳۴۱

# تورک تاریخ انجمنی مجموعہ سی

اون پشچی سنہ  
نومرو ۱۲ (۱۹)



## اوچنجی سلیم دہ رینہ عائد وثیقہ

عثمانی امپراطور لنگ اون اوچنجی عصر دہ کی حالی سائزلندن دہا مکمل یازلمش اولدینی حالہ مشروطیت اعلانتک ویردیکی نشئه ایله او عصرک وهله بالخاصه اوچنجی سلیم دورینک تاریخی حقدہ عجیب تلقیرده بولنانلرمز چوققه کورلمشدر .

فرانسه اختلالی متماقب فرانسلر بوتون جهان خلقی « حقوق بشر » ک استردادینه دعوت ایتمشله وبومیانده بزورکرده ده مراجعت ایلمشله وحی نشر ایلمشله تاریخی برعثمانی تاریخده پادشاهلرک ظلملرینی تصویر ایدهرک خلقی اونلردن صوغوتمه به چالشمشدر . ژیروندلر تاریخده ده « وقعه سلیمیه » بی حقوق بشر طالبلرینه قارشی اجرا اولنان بر قیام ویا ارتجاع شککنده کوسترمشدر .

فقط اوچنجی سلیم دوری ، حتی شوبله - طعی بر صورتده تدقیق ایدیلهجک اولسه کرک پادشاهک وکرکه بونک اطرافنده طولانان پاشارک مقصدلری صرف اوردوبی تنسیق ایتمکدن ، امپراطورلنی تقویه و حتی قریم کبی استردادی محال یرلری تکرار آلمدن عبارت اولدیغنه شبهه ایدیله مز . ایسته هر فصلسه بزده انقلابی دیه یاد ایدلن باشده کی اوچنجی سلیم ایله بر قاج پاشادن عبارت بر زمزه ، یکچیریلرک محافظه سنی منفعتلرینه موافق بولان برکروهدن عبارتدر . عتتالی عاصم افندی اوردونک تنسیقنه طرفداردر . دارالفنون مدرسلرندن فرید بک افندی النده بولنان اودوره عائد اولان امضاسز بر طاقیم تاریخی وثیقه لک لسانی قاموس مترجمک لسانته پک زیاده بکره دیکی ایچون بوللری مشارایه نامنه بوجمعه ده نشر ایلمش ایدم .

عاصم مرحوم فصل مخالفلرینه برده بیروانه آغیر وحتی آغزه آلتماز سوزلرله هجوم ایدیورسه ، انجمنز کتبخانه سنده کی بر دفترده مخالف طرفدن برینسک تجدد طرفدارلرینه وحتی بالذات پادشاهه قارشی پک غلیظ هجومده بوللمقده در . دورت اوزون صحیفه دن عبارت اولان بو وثیقه نک ایلمک صحیفه سنک آلتنده عینی قلمله « طیار پاشا » یازدیغی کورنیلیور . بو طیار پاشا تاریخاً مخالفتله مشهور اولدیغندن وحتی اوندن دولانی افنا ایلدیکندن بونک اوکا اسنادی ممکندر . ذاتاً نه عاصمه اسناد ایتمیکمز صحیفه لر و نه ده بو کره نشر ایده جکمز پارچهلر شبهه سز بر ذاته اسناد اولنه ماسه بیسه او درورده واونک موجب اولدیغی احوال وهیجان ایچنده یازلمش اولدقلرندن بونلرک ده مخالفلر طرفندن محافظه کارلره قارشی دویدقلری غیظی تمامیه کوسترمکده اولدیغندن اودورک احوال روحیه سنی حقیله تصویره یارایه جنی جهتله بجموعه مزه نقلی فائده لی صایق . ایسته وثیقه لر :

### عجیب عاصم

« عبدالملک حجاجی اگرچه مسلط ایتمش ایسه ده حجاج ایتمیکمز ظلم ودمأ مقابلی اولدقجه پسندیده اولنه جق خدمتده دخی بولنشدر . و حجاجک معرفتیه بر قاج ممالک .

ضمیمہ ممالک اسلامی اولشدر. حیف، صدحیف سلطان سلیم حضرت تترینہ! عجیبی الاصل کور یوسف پاشا نام بدمذہب و غدارى اقطار آناتولیہ وزارتہ حوالہ ایلیوب امت محمدی تمام ایلدکن صکرہ مسند صدارتہ اقعاد ایدوب ام دنیا دیلان ممالک مصری افرنجہ تسلیم و عسکر ایہ مصرہ عزیزت ایدوب مقتضای عجب و غروری رذیل ورسوا والسہ کذار امور دنیا اولوب روس وانکلز دولتری توسطیلہ سکزیبیک کیسہ آخجیہ مصری مبیاعہ ایدوب نام پادشاهی کذب وناشرعی غازی او قومتق ایہ محل استہزا ایلدکن صکرہ ایوم اقطار اناطولیدہ امت محمدی کافر ایتمک ایچون نیجہ خانہ و ولایتیری خراب ایتمکدہ، رفع اللہ وجودہا، بو حال عبدالملک ایہ حجاجہ موازنہ اولنور ایسہ یارین روز جزادہ، حضور رب العالمیندہ بو دینسز نہ چکر؟ وپادشاہ نہ ایدر؟ معاینہ اولنور. حسی اللہ وحدہ.

بیک ایکی یوز اوچ تاریخندن برو ظهور ایدن غرایب بی دینیہ متعددہ دن کرید جزیری روم طاقتہ سندن اوسف وینہ عجمستاندن قرہ باغ قزلباشلرندن دیگر کور اوسف بو وجہاہ دولت علیہ عثمانیہ بی استیلا ایدوب اہانت شریعت احمدی وخیانت امت محمدی تمام اجرا ایتمکدہ درلر. رفع اللہ وجودہا سنہ ۱۲۲۰

«ایکی کرہ یوز بیک عسکری بو عالمدہ برمحلدہ جمع ایتمش یوقدر. اتفاق آرای اصحاب فطنت و اتحاد کلام اہل حکمت و تجربہ افرنک صاحب بیرنک برمحلدہ یتمش بیکدن زیادہ عسکر جمع اولیہ جنی رسیدہ درجہ صحتدر. سنہ ۱۲۲۰»

«حق تعالی بلور؛ لکن طقوز یاشندہ صی احوال نسوانہ قادر دکلد؛ ہاہ بو حاملہ اولان جاریہ نک حملی صحیحدر، لکن راشد مذکوردن اولدیغنه شاهد وارمیدر؟»  
«دور سلطان سلیم ثالثدہ چپان اوغلی سلیمان نام شقاوت اقران روح تیمورہ فاتحہ خوانی مسلم و رعایاہ سبب اولمشدر. مرقوم شقاوت اقرانک ایتمدیکی ظلم و فضاحتی تیمور بلکہ خاطرینہ کتورممشدر.»

«اول وقت عدل و داد عثمانی زمرہ کافرینی شرف ایہ مشرف ایتمدیکی مثللو شمدی ظلم فروان عثمانی و پیروی راہ ضلال سلیم خانی زمرہ مسلمینی مسلك کافری بہ سلوک ایتمدیروب نفرت آل عثمانی ایہ جہہ خلق عالم متفق الکلم اولمشدر. نعوذ باللہ: سنہ ۱۲۲۰»

جنتمکان جم سلطان علیہ رحمت و الغفرانک حالی تمام بوقیرہ مشاہبہ و حساب خال یوز سکسان سکر حسابندہ اولان کتخداسی یعقوب لمعونک مثل او چ عدد نقصان ترتیبہ حائلزہ

تمام مثال اولمغین جناب امانت روحی کافرستانده آلیوب دیار اسلامیه وارمزمیسر  
ایلیه آمین آمین سنه ۱۲۲۰ [۱] »

سبحان الله تعالی اقلیم مصری غریق رحمت یزدانی سلطان سلیم خاٹک فتحی  
وجله اهلایسی اول پادشاه دیندارک مظهر لطف احسانی اولدینی مثللو اول ملک  
نادرة العصرک ید کفارہ ویرلسنی ینه - سلطان سلیم خانه میسر اولوب جمله اهلایسی  
بو پادشاه بی غارک مصدر سو حالی اولمشدر ۱۲۲۱ .

« الیم بوزوق اشقیاسندن چپان اوغلی سلیمان نام خبیث الوهیت دعواسی ایدمه بور،  
فلوری تعبیری الیوم ربع دنیلان اون پارهلق اولدینی سامعه فقیر اولمشدر. ۱۲۲۱،  
« بهی افندی ! بو دولتک کذب جنونیه می داز الشفاده اولان مجنون بیلور .  
حکمت بودرکه واقف خدعه اولدینی بیلوب محافظه جان ایلسه خروج علی السلطان  
فتوا یامشدد عکس ایله قتل و مضمحل اولور و کتم و توکل ایدر ایسه هم قتل اولنور،  
هم اسنی قربدی ایله ابلهی ساده دل اولوز. طیار پاشا .»

عجمی الاصل اولوب ذمت امانتندن نقدینه دیانت و مرحت دفع اولوب موجب  
خرابی عصر و باعث افنای ملک مصر کور یوسف پاشا خذله الله تعالی بهرام نام  
بصره لو برجنگانه بی طرزون ایالتنه متسلم نصب ایدوب بهرام بدنام از جمله علی ملاء  
الناس حمامده اولان دلاک اوغلانلای کتوروب مجلسده لواطه و نیجه عرض مسلمینی  
ازاله و باغچوان سزه فروخت ایدر ایکن بطلیجانک اوچنی بر پاره یه فروخت ایتدیکی  
ایچون مستحق تأدیب و تجریم دیوب و باغچوان دخی فقیر الحال اولوب ادای تجریمه  
قدرتی اولمدیفندن باغچوانک جریمه سی محله سی سکنه سندن اقتضا ایدر دیو قرق اوچ  
خانه بی مشتمل بر خراب محله سکنه سی بیچاره لرندن باغچوان جریمه سی دیو اون اوچ  
بیک غروش تحصیل ایله مشدر . سنه ۱۲۲۰ »

افندی حضر تلرینی تصدیق جتتمکان فردوس آشیان عبدالحمید خان زماننده  
عوام ناس و بلکه خاص سلطان سلیم دیو جان و یروب قدوم فلوسنه هر آن و هر نفس  
دعا ایدر لر ایدی. وقتا که جلوس سلطان سلیم مقدر اولدقده کویا جهان تازه حیات  
بولق امیددی وار ایکن فسبحان الله خلقت آدم صلی الله علیه و سلمدن برو مثلی مشهود  
اولمایان بدع و مظالم نمایان و ممالک محروسه سر تا پا خراب و ویران اولدقدن صوکر ا

بہرامردہ ولباسدہ و عملدہ و فرنگ کفرہ سنہ اتباع ایلہ شریعت مطہرہ محمدیہ نسبتاً  
منسیاً فراموش اولونق درجہ لرینہ واروب کندوسی وخلق عالم امت محمدن اولدوغی  
فقط صلوة خمسہ دن مؤذنک اذاندن غیر سیلہ استشہاد اولنمز یعنی جملہ سی مشیت الیہدہ  
خلق ناسک زعم و تدبیر لری فاسد و عقل لری صنایع الہیہ دن قاصر و کاسد بر معنا ایمش  
تجدید دین زعم و تصور سلطان سلیم حقیقتدہ تجدید دین اخر ایتشدر اللهم ارحم  
امت محمداً بحق محمد صلی اللہ علیہ وسلم سنہ ۲۱۹

یکرمی ایکی یاشندہ براونلان استانبول قاضیسی اولنق بانکدہ معاینہ دن دکدر.  
زیرا اول مسندہ کلنلرہ علم و عمل اولیوب جملہ میز وکتخدا و مکتوبچی افندی لریک  
حکمیہ اجرای شریعت ایدہ یولورلر، لکن رتبہ والای وزارت بو طریقہ قیاس اولونماز.  
بو حالده نظام العالم اولاجق ایکن بوسنہ مبارکدہ چیان اوغلی سلیمان نام بی ایمان  
و بد پیمانک اون اوچ یاشندہ بر پو...ت اوغلنہ دفعتاً رتبہ وزارت و یریلدی و فقیر  
اوجہتدن بالطوع والرضا اختیار تقاعد ایتشدر . سنہ ۲۲۰

افندی، شیمدی نہ سپاہ وار نہ یکچی وار . جملہ سی باشی شبقہ لی فرنگ  
اولدی . وزرانک مالی کفار خاکسار ایلینک کندولرہ حلالدر غالباً افندی حضر ت لری  
مذہب باطلہ کفرہ اعتباراً مشروع فامشروع بیورورلر . طریق علماسنہ حاشا  
ثم حاشا امام اعظم افندمز دنیا و اخرتدہ استصحاب ایدہ .

سلطان سلیم ثالث حضر ت لری دخی بووادیدہ بنام و پیرو هشام اولشدر . انحق  
هشامک دست فرنگدن تخلیص ایلہ دیکی قلاع اسرای مسلمینہ بدل قتی چوق قلاع  
و ممالک کفرہ یہ و یروب عداد حسابدن خارج امت محمدی کرفنار دست کفار ایلہ مشدر .  
مأمون خلیفہ، مختار اهل بیت اولان جامہ خضر آ تلبس ایلدیکندن نیک اندیشان  
عباد بو طور مغایر و قدر دیو جامہ سیاهہ تبدیل ایتشدر لر . غریبدرکہ ایوم لباس  
مخصوصہ کفرہ ایلہ تلبس اولنمی امر پادشاهی اولوب حتی حرم پادشاهیہ اولان  
جواری ستر عورت اوله حق طون دخی تلبس ایتیموب فرنگانہ فستان و لباس  
مخصوصہ کافرستان تلبس ایدر لر . بو کفرہ لباسی تلبس اولنق ایچون اون اوچ سنہ .  
دنبرو تخمیناً اللی بیک نفوس ظلمہ شمشیر بران و ممالک محروسہ بودھیہ کافریدن  
ویران اولشدر . نہ دیہلم غیرت صاحب شریعت ظهور ایلہ آمین سنہ ۱۲۲۰

اشبو بیک ایکی یوزیدی تاریخنده تنظیم اولونان نظامات جدیده اوزره اسلامیانه کفره البسه سی الباس اولنوب کابراً عن کابرا خاندان اسلامیان مقارنت دولتن طرف اولتمشدر امان یا صاحب شریعت امان امان !  
 نفس واحد ایچون درت بیک جاریه بر درلو عقل قبول ایتمز ؛ مکر کرخانه ایتمش اوله ؛

مقدر بالله بر موجب احکام شریعت احمدیه حرام قطعی اولان ام الحبائثی قطعی یساغ ایدوب بو قدر بیک آتون منافع دنیویه بی ذخر اخرت ابلوب دفع وفدا ایلدیکی مقتضای متانت ودیانتدن بر معنادر . فی زماناً حرام قطعی اولان شرابک مباح درجه سنه الفایله شربنه اوامر مشید واحداث میكدۀ دهر ایدوب سنه وییدی بیک کیسه آخفۀ عثمانی وخیریه نامیله تخصیص ایراد واحکام شریعت محمدیه بی کنفش آب بر بادیدن مست باده عدم دیانت جانشین سلطنت حضرت لرینه نه بیورر-سکز؟ سنه ۱۲۲۰ افندی کورجی پاشانک براز اعانه سی کوردیککندن لوم وتوییح ناسدن احترازاً ضروری بالاده مدح ایله دک . شمعی بلاهت وخفتی کوزل تدارک ایتدی کوز ماپشالله . انجق طائفۀ بدنهادان کورجیاندن خیر و صداقت اولماز ، والله اولماز بالله اولماز ، تالله اولماز . داب دیرین غدر آیین عثمانی اوزره فضلی زاده یچاره سی عن قریب اعدام اولنه جفنه شبهه وار میدر ؟

افندی ، سزی بر عاقل و کار شناس ونکته فهم آکلار ایدم . حیف صد حیف طریق علم دیدیککنز طریقدن بولونان زممرات ابانت وخیانتده بر بردن تمیز اولنه بیلورمی که بورقاج کمسنه بی موقع خطاب بویوردیککنز سبحان الله دیدیککنز ذات یوقدر که مفتی اولسون . ایاموره کشیشی مفتی اولماز . یاسز اوله جقکسنز یا وقتک صالح زاده سی . یکی ایل فقرالرینه شمعی نظر ایلد که چیان اوغلی سلیمان نام کافر بی دستنه دوشوب مال و عرضلری قالدقدنصکره ذکور اثاثی اسیر ایدوب اسیر بازارنده بیع من یزید فروخت ایتدیرمشدر . بوقفیر اول مسلمین زاده لردن براوغلان واوچ باکره قز صاتون آلوب زممره احرار مسلمینه الحاق ایله دم . ۱۷ ل سنه ۱۲۱۹

هرکس وقتی بیلور وقتندن شکایت ایدر . مقتضای وزارت حضور هایونه رومانز نصیب اولوب خدمت ماموریتزه دائر نزد پادشاهیده کفت و شنید ائشارلنده والده کتخداسی یوسف اغا و دفتری ابراد جدید حاجی ابراهیم نام پلید و کوسه

کتبخدا نام اشقيا تعليمی ايله ( پاشا فقرا دیدکری زيتون چکر دکنه بکنزر، صیقدجه یاغی چیقار همان تحصیل ماله سعى ايله ) دیو نطق پادشاهی بو فقیره اولمشدر و قس علی هذه ۱۷ ح سنه ۱۲۱۶

بوکلیساردن افندی حضرتلری بر آزاچه ویریلسه ایدی عمارت مملکت اسلامیانه باعث اولور جمعیت رطایه سبدر دیو وقتک شیخ الاسلاملری دری زاده عارف منلا و صالح زاده اسمد منلا مثللو نیجه فتوالر ویرر ایدی .

جوار ابا ایوب انصاری رضی الله والدة فاجرة ساحرة سلطان سلیم ثالث تربه سى مثللو اولادی یوغمش تعبیرینه شاشدم . بودولت عثمانیه ده آیت شریف میراث نسخ اولنشکن اشته آیت شریف میراث انجق بو افندیلرک اولادی ایچوندرکه میخانه لرده و اباتنده صرف ما محتاج ایلله .

باق شو خلط کیره که مسند والای شریعت محمدی موروث اولور ایمش . بو ترخجی حسن مرحوم عرفان زاده عارف و مهرداد کتخدای صدر عالی حسن افندیکن یاننده علم الله تعالی متقی و پرهیز کار کسنه در .

امان افنده جناب حق بر دخی سلیم اسمنده شهزاده یه سلامت ویرمسون . قاسم اغا دین وولته بر خدمت مبروره ایتمدیکی جاه والای شهادت ايله تجیل و مکافات اولسون .

پادشاهان دولت علیه عثمانیه نور الله مراقده هم حضراتنک بعضلرینک قولاق لرینک خلقتی غریبه صنع الیهدر . دار السلطنت و جوار دولته اولانی ایشتمز بلقرادوبغداد مثللو مسافه بعیده نی ایشدر .

مرحومه نك نکاحی عیجا کافر سنانده اولان پدرینک مالندنمیدر یوخسه بیت المال مسلمینک اتلاف و اسراف اولدیغیمیدر ؟

سلطان ابراهیم مرحومک جنوندن بشقه برخیاتی یوغیکن ویا لکز حبس ايله کفایت اولنورکن شهادته اقدام مالا یلزم ایدنر عیجا سلطان سلیم ثالث کبی دین محمدیه یه مغایر و فقرا و عبادللهه خیاتی ظاهر بر پادشاه زماننده اولسه نه اولوردی ؟ دور سلطان سلیم ثالث ده استانبول قاضیسی اولان مأبون امین بک افندی و دفعتاً اسکدار ملالنی آله جنن جاهل و بدآین قهوه چی رستم دیدکری خاٹ دینی کورنلر بو عزیزک دیدکری ملالره بایزید دیمزده نه خلط ایدر ؟

بوجنجی حسین هر نه قدر ملعنت ایسه دور سلطان سلیم ثالثه اولان والده

کتخداسی یوسف آغانک بیکده برخی ایتمدیکنی وبونک آلدینی مال یوسف آغانک ادنا بر خدمتکارینه وفا ایتمه جکی آشکاردر .

البتده بر آلائی فاجره و ساحره عورتلره و علما ذیلنده اولان جاهل بدطینتله و رجال دولت و خدمه اندرون پر مذلتلره فریضه اولوب بیت المال مسلمینی یغما و اتلاف ایدن دولت دونما دک ایکی کوره کلی بر ذورچه بولدینی نعمت دکلیدر . بویله بی شعور جانشین سلطنت زماننده بر قاچ . آطه ده کیل جمله ممالک اسلامیه کرفتار دست مشرکین اولدینی آثار فیض و شرف شریعت دکلیدر ؟

کورجی محمد پاشانک عزیز افندی بو قدرجه عنایتی کوردیکندن بو کونا مدخراتی توصیفی مقتضای مروندر . آنحق عثمان زاده مرحوم حریف وزیراننده کوزلجه حقکولقی ایتمشدر . ارباب تجاریب روزکاره و اصحاب فطنت آثاره نمایاندرکه طاغئه کورجیان بد مشرب و بد نهاد و معند خبائت معتاد بر قوم مکروهه اولمغین طاغئه مرسومه دن قطعاً وفا اولیوب وعناد و اصراری دائماً رونما اولمقده کافریدنهادر ایکن عجیبرکه اصل اصیل اسلامیانده اعتبار اولتمیوب درام خریده غلامزدر دیواعتبار اولنور و بو قدار خیانت و خبائتلی متعدد ظاهر اولمشکن بزم دولتمز متنبه اولمایوب اول طاغئه بد نهاده اعتبار ایتمکدن نیجه مسلمینه ضرر حاصل اولور . جناب باری اول طاغئه بدنهاد شومندن بودولت سر آمدی و جمیع امت محمدی حفظایلیه آمین ..

